



1747  
1434

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Communal Economy and  
Infrastructure

Broj: 27-05-18645-64/19  
Sarajevo, 19.06.2019 godine

## SKUPŠTINA KANTONA SARAJEVO

- OVDJE -

**PREDMET:** Odgovor na zastupničko pitanje zastupnika Zvonka Marića, dostavlja se  
Veza: Vaš akt br.: 01-05-18645-64/19 od 15.05.2019 godine

Dana 03.06.2019 godine, Ministarstvo komunalne privrede i infrastrukture je zaprimilo predmetni akt broj: 16-01-05-18645-64/19 od 29.05.2019 godine na nadležno postupanje sa prilogom, zastupničko pitanje zastupnika Zvonka Marića.

Zastupnik Zvonko Marić je na 8. (osmoj) radnoj sjednici Skupštine Kantona Sarajevo, održanoj dana 14.05.2019 godine, u okviru tačke dnevnog reda "Poslanička/zastupnika pitanja, inicijative i odgovori", postavio zastupničko pitanje koje glasi:

*"Molim Vladu Kantona Sarajevo i resorno ministarstvo da mi dostavi informaciju o objektima u vlasništvu Kantona Sarajevo koji za zagrijavanje koriste uglj, tačnu godišnju potrošnju uglja svakog pojedinačnog objekta kao i podatke o instalisanoj snazi svakog pojedinačnog postrojenja u gore pomenutim objektima".*

## ODGOVOR

Zastupnik je pitanje dostavio u pisanoj formi, te Vam odgovor Ministarstva komunalne privrede i infrastrukture Kantona Sarajevo na isto dostavljamo u prilogu, a sve u skladu sa odredbama Poslovnika Skupštine Kantona Sarajevo ("Skupština Kantona Sarajevo", broj 41/12 – Drugi prečišćeni tekst, 15/13 i 47/13, 47/15, 48/16), a kako bi se odgovor mogao pripremiti za



sjednice Skupštine Kantona Sarajevo i uputiti predsjedavajućem Skupštine Kantona Sarajevo, kako bi se isti dostavio zastupniku Mariću, kao i ostalim zastupnicima Skupštine.

Ministarstvo komunalne privrede i infrastrukture Kantona Sarajevo, u okviru usvojenih ustavnih nadležnosti i u okviru svoji nadležnosti u vršenju nadzora nad provođenjem odredaba Zakona o komunalnim djelatnostima, a u okviru kojeg su komunalne djelatnosti koje u smislu ovog zakona, podrazumijeva se pružanje komunalnih usluga od interesa za fizička i pravna lica, te finansiranje građenja i održavanje objekata i uređaja komunalne infrastrukture kao cjelovitog sistema na području Kantona, kao i Grada Sarajeva i općina na području Kantona.

U kontekstu navedenog i traženog pitanjem zastupnika Marića, komunalne djelatnosti individualne komunalne potrošnje u smislu ovog zakona su: c) snabdijevanje prirodnim gasom; d) snabdijevanje toplotnom energijom.

Ovim zakonom nije obuhvaćena dimnjačarska djelatnost, ali Grad ili općine mogu utvrditi i druge djelatnosti lokalnog značaja koje se smatraju komunalnim djelatnostima.

Na osnovu člana IV. B. 7. a) (IV) Ustava Federacije Bosne i Hercegovine, donesenim UKAZOM O PROGLAŠENJU ZAKONA O ZAŠTITI OD POŽARA I VATROGASTVU, koji je donio Parlament Federacije BiH na sjednici Predstavničkog doma od 29. septembra 2009. godine i na sjednici Doma naroda od 9. jula 2009. godine, kojim se proglašava Zakon o zaštiti od požara i vatrogastvu usvojenim ("Službene novine Federacije Bosne i Hercegovine", broj: 64/09). U Članu 26. Zakon o zaštiti od požara i vatrogastvu, određuje se da Općinsko odnosno gradsko vijeće svojom odlukom uređuje organizaciju i rad dimnjačarske djelatnosti, rokove čišćenja dimnjaka, uslove za vršenje dimnjačarske službe, te druga pitanja od značaja za obavljanje dimnjačarske djelatnosti, te obavljanje nadzora nad radom dimnjačarske službe.

Međutim, postoji mnogo zakona i propisa i tehničkih pravila i standardi koji se uzimaju u obzir kao zakonska regulativa koja se odnosi na oblast dimnjaka i dimnjačarstva.

U skladu sa navedenim a u kontekstu traženja dostavljanja informacija o objektima u vlasništvu Kantona Sarajevo od Vlade Kantona Sarajevo, Ministarstvo komunalne privrede i infrastrukture Kantona Sarajevo ne raspolaže sa informacijama koji objekti koji su u vlasništvu Kantona Sarajevo koji koriste ugalj kao fosilni energent za zagrijavanje, jer ima isključivu nadležnost nad proizvodnjom i distribucijom toplotne energije kao i snabdijevanje prirodnim gasom korisnike usluga na području Kantona Sarajevo.

Uprava za geodetske i imovinsko – pravne poslove koja je organizovana u sastavu Ministarstva prostornog uređenja, građenja i zaštite okoliša Kantona Sarajevo, vrši poslove koji se odnose na upravne i druge stručne poslove utvrđene zakonom i drugim propisima koji se odnose na ostvarivanje nadležnosti Kantona u oblasti geodetskih i imovinsko pravnih poslova, **vrši poslove evidencije imovine Kantona po subjektima, na osnovu dostavljenih dokaza o stečenom pravu** (pravnog posla, zakona i odluke organa), postupa po zahtjevu subjekta (kantonalnog organa uprave) **za upis prava u zemljišnim knjigama nadležnog suda**, kao i poslove koji se odnose na izradu



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086,  
Fax: + 387 (0) 33 562-177  
Sarajevo, Reisa Džemaludina Čauševića 1



zakona i drugih akata iz oblasti imovinsko pravnih i normativno-pravnih poslova, drugostepeno upravno rješavanje u oblasti za koju je osnovana, te vrši upravno-nadzorne i druge stručno-operativne poslove. Ovo navodimo kao dostava tražene informacije u smislu ko ima evidenciju objekata u vlasništvu Kantona Sarajevo,

Također, shodno vašem traženju informacija u smislu tačne potrošnje uglja svakog pojedinačnog objekta kao i podataka o instalisanoj snazi svakog pojedinačnog postrojenja u objektima koji su u vlasništvu Kantona Sarajevo vjerovatno će Vam dati resorno ministarstvo, Ministarstvo privrede Kantona Sarajevo koje na osnovu raspoloživih podataka (izvještaji i planovi) distributera energije i energenata, iskazane potrošnje i iskazanih potreba značajnih potrošača, statističkih podataka Federalnog zavoda za statistiku i Zavoda za informatiku i statistiku Kantona Sarajevo, podataka Ministarstva privrede Kantona Sarajevo, kao i odgovarajućih analiza i procjena Ministarstva privrede Kantona Sarajevo, radi "Bilans energetske potrebe Kantona Sarajevo" U ovom Bilansu, prikazane su energetske potrebe Kantona Sarajevo za tekuću i narednu godinu, koje se zasnivaju na detaljnim/potrebim strukturnim projekcijama između ostalog i potrošnje: čvrstih goriva. Dalje, navedene su mogućnosti unapređenja energetskog sektora, te se daju perspektive korištenja obnovljivih izvora energije. Specificirane su preventivne i operativne aktivnosti za situaciju poremećaja u energetskom snabdijevanju Kantona Sarajevo. Također, Bilansom daju se pokazatelji realizacije energetskog bilansa Kantona Sarajevo prethodnu godinu, koji se zasnivaju na detaljnim/potrebim strukturnim pregledima potrošnje između ostalog i čvrstih goriva. U Bilansu sačinjena je i analiza pokazatelja potrošnje energije/energenata u Kantonu Sarajevo za prethodnu godinu, koja se zasniva na analizama parametara strukturne potrošnje u pojedinačnim energetskim sektorima, te je za toplifikacione sisteme data analiza proizvodnje/ispоруke toplotne energije. Za gasni sektor, data je i potrošnja po sektorima: stambeni sektor, industrija, sektor usluga i toplifikacioni sistemi, te je dat prikaz udjela podsektora u potrošnji prirodnog gasa u sektoru usluga. Dalje, daje se i ocjena sadašnjeg stanja svih sektora, a između ostalog i gasnog sektora - razmatrajući sigurnost snabdijevanja prirodnim gasom, stanje gasne infrastrukture i trend broja kupaca ovog energenta, te se daje ocjena sadašnjeg stanja i sektora čvrstih goriva u Kantonu Sarajevo, kao i struktura izvršenih ulaganja u izgradnju/rekonstrukciju elektroenergetskih objekata u Kantonu Sarajevo u prethodnoj godini. Skupština Kantona Sarajevo je donijela Odluku kojom se usvaja "Bilans energetske potrebe Kantona Sarajevo za 2018.godinu".

Nadamo se da ste zadovoljni odgovorom ovog ministarstva, a pretpostavljamo da će te preciznije podatke sa potpunom informacijom dobiti od ostalih navedenih resornih ministarstava koji se odnose na ovu oblast.

S poštovanjem,

Dostaviti:

1. Naslovu,
2. Stručnoj službi Vlade Kantona Sarajevo,
3. Evidencija,
4. Arhiva.



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086,  
Fax: + 387 (0) 33 562-177

Sarajevo, Reisa Džemaludina Čauševića 1

